

❖ GOGONANT IESU

Arglwydd annwyl, helpa fi i gadw fy ngolwg arnat ti:
 ti yw'r ymgnawdoliad o gariad dwyfol,
 y mynegiant o dosturi anfeidrol Duw,
 yr amlygiad gweladwy o sancteiddrwydd y Tad.

Ti wyt brydferthwch, daioni, tynerwch,
 maddeuant a thrugaredd;
 ynot ti y mae pob perffeithrwydd:
 pa ddiben edrych i gyfeiriad arall,
 a mynd i unman arall, ond atat ti?

Gennyt ti y mae geiriau bywyd tragwyddol,
 gennyt ti y mae bwyd a diod i'n heneidiau,
 ti yw'r ffordd, y gwirionedd a'r bywyd,
 ti yw'r goleuni sy'n llewyrchu yn y tywyllwch,
 y llusern sy'n goleuo'n llwybr,
 y tŷ ar fryn na ellir ei guddio;
 ti yw'r eicon perffaith o Dduw;
 ynot ti a throt ti y canfyddaf y ffordd at y Tad nefol.

O Sanctaidd Un,
 O brydferth a gogoneddus un,
 ti yw fy Ngwaredwr, fy Arglwydd,
 fy arweinydd, fy niddanydd,
 fy ngobaith, fy llawenydd, fy nhangnefedd.

I ti y dymunaf fy rhoi fy hun yn gwbl oll:
 gad i mi fod yn hael ac yn eiddgar,
 nid yn hwyrfrydig nac yn anfoddog,
 ond yn barod i roi fy mhopeth i ti –
 popeth a feddaf, a feddyliaf ac a deimlaf –
 ti biau'r cyfan, O Arglwydd,
 i'w derbyn a'u sancteiddio,
 a'u gwneud yn eiddo llwyr i ti dy hun.

Henri Nouwen